

6. januar 2006

Inatsisartut suleriaasiat § 36, imm. 1 tunngavigalugu apeqqutit uku Naalakkersuisumut saqqummiuppakka:

2004-imi aasaagaa kalaallit tusagassiuqarfii aqqutigalugit sammineqangaatsiarpoq, Kalaallit Nunaata Naatsersueqqissaarfiata ”ukioq 2003-imi nunanut allanut niuernerup naatsorsuutaasa” ersersitsinerata kingorna, ukiumi tassani Great Greenland-ip Canadamiut puisit amiutaannik pisiortorsimanera, katillugit koruunit 20 miliuunit atorlugit.

AG 6. juli 2004 allaaserisat pingaarnersaanni allakkamini Great Greenland-i canadamiut puisit amiutaannik eqqussuineranik sakkortuumik isornartorsiorpaa. Atuagassiap 1970-ikkunni Birgitte Bardot Greenpeace-illu puisit amii pillugit paasisitsiniaalluni suliniuteqarnerata kingunipilui nuanniitsut tikkuarpai. Ulloq manna tikillugu nunat ilai puisit amiinik suli tunisiffiusinnaanngillat. Taamaakkaluartoq Kalaallit Nunaat ilungersorluni puisinik kalaallit nunaaninngaaneersunik, minnerunngitsumillu canadamiut uumasunik piniariaasiannik akerliunerarluni, avatangiisunik mianerinnittuunerarluni tuniniaavoq. ”Great Greenland-ip”, atuagassiaq allappoq, ”canadamiut puisit amiutaannik pisinermi Kalaallit Nunaata 1970-ikkut nalaanni ukiunut atugaanut, paasititsiniaasut suliniuteqarnerisa kinguneralaannguani pisunut assingusunut nunarput utersaarteqqipiloorpaa. Maannali canadamiut isigineqarnerata kusanaatsup uvagutsinnut tunnera kaanngartissinnaanngilarput.”

Great Greenlandip pisortaanera kalaallit tusagassiuqarfii erseqqissaavoq, canadamiut amiutai Great Greenland-iminngaaneersutut tuniniarneqarnek ajortut, Phoca-tulli ateqartutut Kina-muinnaq Korea-muinnarlu taamaallaat tuniniarneqartut. Pisortaanerup nangilluni erseqqissarpaa, ammit aallaammik pisanik puisininngaaneermata anaatarlugillu pisaninngaaneersuunatik (AG 1.juli 2004).

Namminersornerullutik Oqartussat Great Greenlandip Canadamiit puisit amiinit eqqussuinerana ilisimasarinngikkaat, taamanikkut Inuutissarsiornermut Naalakkersuisuusoq, Johan Lund Olsen-ip AG- mut (6. juli 2004) oqaatigaa. ”Great Greenlandip siulersuisui nassuiaateqartariaqarput”, Naalakkersuisuni ilaasortaq oqaaseqarpoq.

Great Greenland-ip canadamiit amminik pisiortornera ingerlaannarpoq. Ukiunilu kingullerni pingasuni canadamiut puisit amiutaannik pisiortornerup nalinga koruuninit 58 miliuunit sinneqarsimavoq.

Canadamiut puisinniartarnerannut tunngatillugu qanoq pisoqarnissaa ilimagereerlugu uumasunik illersuineranut suliniaqatigiit isiginninnerat maannakkut Kalaallit Nunaata qanoq iliorneranut saatinneqarpoq. Tamanna kalaallit piniarnikkut inuussutissarsiornerannut annikilliortitaareeqisumut, Kalaallillu Nunaata nunanut allaniit isigineqarneranut avammullu tunisinermi niuernerme pissutsinut, aarlerinartunik kinguneqarsinnaavoq.

Tamanna tunngavigalugu Naalakkersuisoq piumaffigivara apeqqutit uku akeqqullugit:

- 1) Canadamiut puisit amiutaannik pisiortornermut atatillugu Great Greenlandip siulersuisuinit Naalakkersuisut/Namminersornerullutik

Oqartussat 2004-mi imaluunniit tamassuma kingorna paasissutissat qanoq ittut pisimavaat?

- 2) Canadamiut puisit amiutaanik pisiortornermut atatillugu Great Greenlandip siulersuisui ilaasortaaluunniit paasissutissanik sunik Naalakkersuisunit/Namminersornerullutik Oqartussaniit pisaqarsimappat?
- 3) Naalakkersuisut qulakkeersinnaavaat aammit eqqunneqartut anaatagaallutik toqutanik ilaqanngitsut.
- 4) Naalakkersuisut qulakkeersinnaavaat ammit eqqunneqartut suli qaammatik pingasunik utoqqassuseqalersimanngitsunik ilaqannginnerat?
- 5) Naalakkersuisut qulakkeersinnaavaat Great Greenland-ip nioqutissiaatut ilisarnaateqarlutik sanaavi canadamiut amiutaanik ilaqannginersut?
- 6) Naalakkersuisut/Namminersornerullutik Oqartussat Great Greenland-imut Kalaallilluunniit Nunaannut sammititanik, Great Greenlandip canadamiut amiutaanik pisiortornerisa kingunerisaanik uumasunik sernissuineranut sunniiniaqatigiit isumasioqatigiinnialeraluarpata Naalakkersuisut/Namminersornerullutik Oqartussat paasititsiniaanerit suut suliniutigisimavaat imaluunniit piareersarsimavaat?

Inussiarnersumik inuulluarit

Inatsisartuni ilaasortaq, Palle Christiansen, Demokraatit